

養默山房詩藁

養默山房詩藁卷二十八

松滋 謝元淮 默卿

櫟觀集

庚子

六月三十日舟發興州天池

入夏多淫潦新晴積霽消天池初鼓枻江水正生潮

港汊流方急魚龍勢益厲長鯨猶未醢

時嘆咭喇夷匪陷定海縣

尚未就敵掣劍氣沖霄

夜泛樸樹灣

迎鑿江口晚潮平樸樹灣頭夜氣清映水螢流星點

點驚風葉颭雨聲聲雲中待奮搏秋鶚海上先梟跋  
浪鯨聞道樓船天際遠滄波何路請長纓

重過露筋感懷陶文毅公

甘棠召伯憩猶新三十六湖水潑銀門外野風蓮又  
放看花重憶種花人

三十六湖樓外多種桃  
花文毅嘗登眺於此

東風一夜轉銅烏銜尾帆檣利挽輸湖上神絃迎送  
曲至今猶唱禱冰圖

禱冰圖傳奇演  
文毅巡漕時事

晨發高郵風大順夜泊淮關

一帆如驚浪交馳兩岸垂楊嫋嫋吹分付長年牢把  
柁覆舟多在順風時

北船鼓楫逐波輕  
南舫迎流挂席行  
去是順風來順水  
始知天意最公平

峒嵒七夕瑞雲五色

秋雲多巧色  
天氣晚逾嘉  
峒嵒逢七夕  
奇景燦光華  
濃淡各具態  
點染呈天葩  
變幻出須臾  
煉石勞靈媧  
何知天帝孫  
織錦烘雲霞  
牽牛不肯渡  
悵望銀河涯  
彩雲有時合  
片玉西南斜

立秋日渡沂水

七月初十日

山溪雨易漲  
消長亦何速  
朝渡沂河尾  
濁浪高於屋

暮宿沂河頭  
淺渚連車轍

晨自李家庄渡沂適水漲岸闊暮至沂郡再渡則清

淺可源遠流宜長水落沙自出童冠恣游泳無勞具涉矣

春服况值早秋時黍稌喜豐熟時沂郡歲稔麥麵每觔錢九文民氣

既熙皞行旅忘僕僕何處好風來一爲滌炎酷

### 嶧莊道上望魯蒙諸山

雲如列岫岫成雲一路雲山漠不分最是魯蒙山色好峯峯雲際帶斜曛

### 羊叔子故里

新泰羊流店

輕裘緩帶古風存折臂三公事可論苦把平吳千晉武卻畱胡馬陷中原

悠悠湛輩竟何辭興盡悲來亦自癡一樣浮名身後

慮牛山流涕峴山碑

登岱

岱宗表齊魯形勝天下壯名居五嶽先勢壓千巒上  
我昔山下過未躋徒仰望每懷日觀峯欲聽天雞唱  
今來值早秋凍雨溪旋漲巨壑轉奔雷長虹瀉駭浪  
兩人舁簞輿四角支布帳短轅韋縉肩橫斜肆跳踴  
山輿狀若胡牀無足旁置二短木其末下垂如弓反  
張絆以韋繩縮於肩上張布帛兩人手握木末橫斜  
行甚速初喜磴道迴漸驚奇境勦紅橋互銀河石峽入

幽壙峯峯自摩霄特立無依傍松詡大夫貴寒尊丈

人行

丈人峯土名老人寨

祥氛踵底生灝氣胸中盪但覩前嶺

崇益覺後地曠峻阪手攀援絕頂意始暢天際垂匹

練閭闔開蕩蕩帝座呼吸通

南天門極險峻登此卽岱頂上爲碧霞宮最高

爲玉皇頂

仙真應可訪擬傾酒百壺知費屐幾緡九州豈

云小雙眸不敢放風雨忽驟至咫尺迷所向凜乎難  
久畱炎暑思挾纈登高必自卑造極貴能讓雲端辨  
歸途暝煙下列嶂長嘯淩飛霞斯遊信跌宕

### 泛大明湖游歷下亭

濟南

齊川門外暫停驂買得扁舟一櫂探海右古亭稱歷  
下湖中新景似江南風來菡萏香生白雨過菰蒲水  
映藍山勢環空城四面斜陽倒影鏡光涵

登會波樓

濟南城北會波樓樓下盈盈帶水流  
襍穢有人方觸熱離華山色早迎秋

商河縣高橋至惠民縣歇馬亭車行水中百  
里

陸行乘車水乘舟驅車涉水如舟浮  
雙輪出沒飄輕鷗兩馬前引驂蛟蚪  
御人執轡控馬頭草衣赤足同沐猴  
車中有客形傴僂餘波濺濺渾於油  
沾裳濡履不得休驚帆乍駛繮難收  
忽然滑汰逢深溝龍驤誰

道非驂騑運河名尙趙家畱

高橋有河土名趙家運糧河有銅幫鐵底之語



歇馬亭荒轄莫投耳畔惟聽風颼颼此閒百里皆良  
疇淫霖十日成長湫黍豆漂盡農民愁牽舟岸上古  
有儔陸地盪舟界應羞泛車水面今何憂真如流水  
馳雙輶從今四海許周流乘車直向天河遊

楊柳青

地名屬天津縣

楊柳青青楊柳青行人道上感飄零西風昨夜知多  
少冷落長亭又短亭

楊柳青青楊柳齊楊花飛盡柳枝低天涯何處無離  
別莫拂征鞍送馬蹏

楊柳青青楊柳黃燕南八月已飛霜婆娑一樹斜陽

外風景依依似故鄉

八月初九日進都城作

萬水千山取次行風煙歷盡到

神京多情戀我惟芳草一路隨車綠進城

八月十八日

圓明園引

見紀

恩四首

露浥西山翠靄鮮

宸居遙望五雲邊

薇垣拱

極輝羣宿

娑殿隨班步列仙兩觀

天顏皆八月

道光十五年八月十九日引

一膺民社已三

年

莅任無錫前後三載

驂騑伏櫪思千里縱困鹽車勉著鞭

沙隄燈火映紅牆待漏人來夜未央自愛微雲堪作

雨

十七夜霖雨達旦

親瞻

霽日喜

當陽

是日引

見時曉

和羹味本資鹽筴籌海功

尤屬棟梁

日曛曠晴光萬里

宵旰久知勞

聖慮

是日在殿引

勤政見

午風猶裊

御鑪香

是日機大臣午初退朝

召見軍

忽傳

天語出雲端許署閒曹忝素餐

本日奉准准其陞署淮南監

旨謝元

掣同知欽此

身荷

聖慈心鄭重感懷知遇涕洟瀾

陶文毅公陳芝楣宮保

官由簿

尉遷移苦職司釐鹽報稱難

民間九月醃菜官鹽三因之暢銷名曰菜市

十六年沈下吏

淮自嘉慶乙丑筮仕江蘇已易三十六寒暑矣

傍人猶作熱

中看

身甘澹泊本貧居家世耕田與讀書始願何曾思及  
此微才多恐意難如原知

國富民先富可奈商虛課亦虛安得度支恆滿足詠  
梅東閣歲寒餘

同曹良甫比部汪慕伊孝廉

于洛

虎圈觀虎

雨後金風涼西山青如許相將登虎圈同觀檻中虎  
猛鷲不可雙樊籠猶獨處暴劣氣難馴耽耽視猶怒  
參人持肉至崇垣陟環堵中有巨虎三隔別自爲圉  
鐵網覆層層行臥尤踴踴一叱虎初驚再叱虎遽俯  
寸鬣忽投下匍伏舌舐取曳尾轉畏人弭耳不如鼠

嗟爾三於菟深山孰敢侮奈何蹈危機陷身仰牧豎  
餐擊餒莫填爪牙施無所卽此片肉微亦難常嚼咀  
海淀霜葉飛

大蒐耀神武騎士重圍合縱爾歸榛莽凋弓鳥號弦  
勁箭石飲羽淺草不蔽軀長槍已洞腑朝爲羿中蓄  
暮充几上脯何如匿窮巖潛蹤耐飢苦不擇狐兔肥  
長與猿鶴伍簫韶九奏成率先百獸舞湯網自然開  
虞郊咸樂土試看南山豹七日藏霧雨

葉潤臣孝廉

名澧

風雨懷人圖

終始論交道於今更幾人君方懷舊雨吾已倦風塵

楚北關山遠，淮南草木新。他時定相憶，遙雁渡江津。  
八月二十五日得家信，月朔生女。戊正二刻  
子息本無多，生女亦自好。不道阿耶衰，翻憐女兒小。  
金粟香滿林，鑿江秋應早。遙酌盡一卮，歸看綳繡褓。  
他年借諸孫，繞膝娛吾老。

曹艮甫比部顧杏樓郎中。元愷馬吉人秋曹。

學易

金心翕太史吳清如中翰李式齋孝

廉集餞飲淶舫，卽席賦贈用孟襄陽挂席。

東南望體

五載增離思，相逢樂有餘。一時皆好友，不飲待何如。

觴政分明甚歡呼禮節疏莫辭頻醉語遠勝別來書

南旺分水龍王廟登禹王臺

到此人皆喜源頭處處通  
漕分南北順帆借往來風  
波水滔滔白霜林樹樹紅  
大哉神禹績萬古仰成功

南旺爲古  
大野澤

惠山漪瀾堂試茶

秋雲散綺晚晴天霜葉如花錦  
樹妍難得風塵勞攘  
後嫩茶閒試惠山泉

重至蘇州追輓朱西生孝廉二首

城市人何多死生殊草草  
日昇棺出城未覺市人少



獨有文字交歲寒期共保又弱一个焉悽然傷懷抱  
識君廿載前玉樹臨風皎樽酒供清談高論每傾倒  
我詩愁蕪累賴君筆爲掃君詩必流傳雋逸風格老  
失此一字師誰復定吾稿去歲仲夏月梁溪花正好  
試士方扃門品題藉研考管社名山遲佳遊相送錫山  
道焉知此離別遽隔泉路杳胥浦悵重過烏嘯霜月  
曉追憶平生歡倏忽若度鳥少壯曾幾時歎此浮生  
擾

扶搏仗六翮吾慕雲中雕損益無足重茸茸腹背毛  
天門鵬翼折悲哉陳芝楣與陶文毅豈獨知己懷惜

宮保

茲萬人豪周郎去鄂渚明珠遺漢臯

周保緒進士去  
秋沒於漢口

今子復奄化海內真寥寥昨登闔廬塚四望秋山高  
劍氣久沈淪列嶂空岩巖惟見重闔內殷殷塵聲囂  
孤鶴竟何往哀鴻中夜嗷弔君淚如頌思君首重搔  
九天不可問魂兮誰與招

養默山房詩藁卷二十九

松滋 謝元淮 默卿

蕩海集

辛丑

蕩海雜詠

宇宙限中外島夷醜卉服矧乃蛟蜃餘聚茲鱗介族

地越大浪西潛巢冰海曲

皇朝通典英吉利一名英圭黎紅毛番種距廣

東五萬餘里王世系其近者有名弗氏京也治傳子昔斤京也治又傳子非立京也治國人出入處左有那村右有加釐皮申村皆設礮臺二村中皆有大海駕船往來  
（皇朝文獻通考）居西北方海中有一山名間允產黑鉛產火石王所居名蘭倫有城信奉天主每夏秋交由虎門入口通市職方外紀英吉利

名諳厄利在粵東曰英吉利自古未通中國明天  
改時始有聞舟車間見錄本行勸臣屬後漸富強遂  
為敵國國在歐羅巴之西近溫都斯坦奉職貢於俄  
羅斯自云轄天竺國西印度地後又據亞墨利加稱  
大英吉利而以歐羅巴之國為本國東華錄西洋中  
國俱在赤道北四十度內至大浪山始復北行入廣  
東界自西洋至中土本有陸路可通為俄羅斯諸國  
所遮改由海道行經大浪山其地與中國上下反對  
南極出地三十五度北極入地三十五度天水相連  
常若陰晦距中土七萬餘里粵東採訪其主所居曰  
蘭墩東西廣而南北狹周數千里天時寒煖與北方  
諸國略同地多田少駕馬以耕種豆麥米則產自孟  
牙刺陳倫炯海國聞見錄英機黎一國懸三島於客  
因黃祁荷蘭佛蘭西四國之西北自客因之東繞俄  
羅斯自俄羅斯而至細密里也皆為北  
海不能行舟海冰不解故又名冰海 紅毛急利功

强梁肆荼毒

謝清高海錄喚咭喇國即紅毛番在佛  
郎機西南對海由散爹哩向北少西行

經西洋呂宋佛郎機各境約二月方到海中獨峙周  
圍數千里人民稀少而多豪富房屋皆重樓疊閣急

功尚利以海舶商賈爲生海中有利之區咸欲爭之以明呀喇曼達喇薩孟買爲外府其民十五以上卽供役於王六十始止又僱募外國人爲卒伍故國雖小而強兵十餘萬海外諸國多畏之軍法亦以五人爲伍伍各有長二十人爲一隊號令嚴肅無敢退縮然惟以連環鎗駁爲主無他技也剝民水有稅論倫國中一大鎮也樓閣連綿林木蔥鬱富人富庶匹於國都有夷目鎮之水極清甘河有三橋謂之三花橋橋各爲法輪激水上行以大錫管接注通流藏於街巷道路之傍人家用水俱無煩挑運各以小銅管接於道旁錫管藏於牆隙別用小法輪激之使注於器王則計戶口而收其水稅三橋分主三方每日轉運一方令人徧巡其方居民命各取水民家則各轉其銅管於小法輪水至自注於器足三日用則塞其管一方徧則止其輪水立涸次日別轉一方三日而徧週而復始貪淫爲國俗國多娼妓雖姦生禁令甚嚴無敢盜取衣白囚服則用黑武官衣紅女人衣長曳地上窄下寬腰間以帶緊束欲其纖也兩肩以絲帶絡成花樣

縫於衣上有吉慶延客飲燕則令女之年少而美者  
 盛服跳舞歌樂以和之謂之跳戲雖富貴家女無不  
 幼而習之詐偽亂天常黑白淆化育其人白貴黑賤  
 俗所喜也聰慧黑者愚蠢白鬼偶生黑鬼即父母不以爲子若  
 黑鬼偶生白鬼其父母亦不敢以爲子必獻於主人  
 云疆吏重珍寶防禦忘輯束姑息作厲階爲害至今  
 酷

二

天下五大洲荒遠屬渺茫皇朝通考意達里亞人稱天下爲五大洲以中

國爲五洲之一又名之曰亞細洲而據其所稱第五  
 洲曰墨瓦蠟泥加洲者乃以其臣墨瓦蘭輾轉經年  
 忽得海峽互干餘里因首開此區故名之曰墨瓦蘭  
 泥加洲夫以千餘里之地名之爲一洲而以中國數  
 萬里之地爲一洲以牙歐羅巴其一總名大西洋明  
 刺盾妄謬不攻自破矣

利瑪竇萬國全圖言天下有五大洲第一曰細亞細  
洲中凡百餘國而中國居其一第二曰歐羅巴洲中  
凡七十餘國而意大里亞居其一第三曰利未亞洲  
亦百餘國第四曰亞墨利加洲地更大以境土相連  
分爲南北二洲最後得墨瓦臘泥加洲爲  
第五而域中大地盡矣其說荒渺莫考 奉行陡斯

### 教紀年可推詳

之陡斯明史大都歐羅巴諸國悉奉  
皇朝通考西洋人尊奉天主謂

天主耶穌教耶穌生於如德亞其國在亞細亞洲之  
中西行教於歐羅巴其始生在漢哀帝元壽二年庚  
申閏一千五百八十一年至萬厯九年辛巳利瑪竇  
始汎海九萬里抵廣州之香山澳按道光二十一年  
正月初十日喚逆在香港山僞示自稱一千八百四十  
一年二月初一日自萬厯辛巳至道光辛丑又二百  
六十年合計之正是一千八百四十一年是西洋諸  
國所稱年代皆以耶穌始生之年計算更無疑義其  
年符而月日不符者蓋西洋諸國不置閏月月或三  
十一一二日就中截長補短每年歲首以冬至後十日  
爲期合閏月計之仍何知神葵裔肇惡遐荒  
與中國年月相符也

一婦人手抱小兒俯蹲一犬大小兒卽耶穌犬則耶穌之父蓋婦人與犬交而生耶穌耳

### 國初重譯來思觀

上國光

康熙中嘆咭喇始入貢且請侍子入監讀書

臺灣平議開海禁於是設樞關於廣東澳門福建漳州浙江甯波江南雲臺山定海縣志甯波在宋元明三朝均置市舶司海外諸番莫不習知其地顧設關時舟山尙未置縣商船出入甯波往還百四十里水急礁多往往回帆去英吉利時名英圭黎泊舟山三十七年監督張聖詔請捐建衙署於舟山以就商船乃於定海城外道頭之西建紅毛館一區安置夾板船之水稍榜曰萬國來同自是英吉利番船常來定海屏絕粵嶠外

### 廟算何深長

皇朝通考康熙五十六年碣石鎮

州城內外者尤多加以洋船所匯同類招引恐滋事端乞循康熙六年例再行嚴禁毋使滋蔓

皇朝



通典康熙間始來通市後數年不復來雍正七年後  
互市不絕乾隆七年十一月英吉利巡船遭風漂至  
澳門海面撫臣給資回國二十二年禁英吉利商船  
不准於浙貿易自是皆收泊廣東綏服紀略乾隆五  
十八年癸丑噶咭喇國遣使臣瑪噶往者亦叩  
爾呢由伊黎朝貢護送至海上歸國  
闕未敢肆譁張嘉慶中由天津叩關入貢不能朝見  
奉旨押送廣東驅逐歸國  
遊奕生窺伺貪念終未忘

三

溟渤西南際地有交畱巴

皇朝通典噶喇巴本瓜哇故地巫來由種也通

市聽和蘭之命漢人居者甚衆生長其地者曰土生  
仔司漢人貿易者曰甲必丹明史作咬囉吧自廈門  
開洋水程二百八十更約一萬四千里至其國其地  
面北背南爲百夷聚匯之區自明初迄今閩廣之人  
貿易畱寓者不下十餘萬戶其國本名爪亞稱其王  
曰巡欄所居山城曰覽內曰僑居華人曰噶喇吧讀

作交雷巴推舉華人爲之長曰加必丹華人爭關口  
角皆就質於加必丹長揖不跪自稱晚生是非曲直  
立爲剖決惟死罪唐夷既雜處商賈競豪奢西洋諸  
嫁娶乃申報和蘭

華人曰

始聞狼倚狼復傳蛇憐蛇

海島逸志爪亞性  
愚樸明末和蘭因

風入其境以厚利啗史丹借萬丹海濱之地修理舟  
楫萬丹爲爪亞險要門戶史丹則鎮守萬丹夷酋也  
貪其利許之遂爲和蘭襲取乃與寶內巡欄盟約每  
歲納其租稅而沿海一帶盡爲和蘭掌管又製造雅  
片黑煙以愚毒其人俾疲弱死亡不起報復之念卻  
自禁其衆不許服食犯者立斃以爲得計豈知紅毛  
嘆咭喇垂涎其利圖謀已久突於嘉慶十四年秋興  
甲板舟師攻之不克退去十五年復復來圍攻用天  
礮環擊破其城和蘭逃回祖  
家今之吧地遂爲嘆逆佔轄蠻觸爭戰歇流毒及中

華沿海競奸利閩廣初萌芽轉販漸致遠傳染週天

遂令膏腴田開徧罌粟花

鴉片煙土產於紅毛諸  
國嘆夷嗔啊啦等處尤

多初入中國用以治病繼而閩廣之人嗜之流毒日  
遠幾於無處不有矣雲貴川粵以及浙江溫台等處  
均能做土栽種罌粟花有滇土黔土粵土台漿等  
名色而來自西洋者則曰老土又曰大土以別之  
酖死不悟智士為咨本本草綱目阿芙蓉一名阿片  
液罌粟結青苞時午後以大鍼刺其外面青皮勿損  
裏面硬皮或三五處次早津出以竹刀刮收入瓷器  
陰乾用之以其花色似芙蓉而得此名王氏醫林集  
要言是天下方國種紅罌粟花不令水淹頭七八月花  
謝後刺青皮取之者氣味酸澀微毒主治瀉痢不止  
能澀丈夫精氣俗入房中術用之京師售一粒金丹  
通治百病忌  
酷令人腸斷

#### 四

貢市羈諸蕃本寓防邊策十年通一貢人船有定額

明史永樂初詔日本十年一貢人止二百船止二艘  
後悉不如制宣德初申定要約人毋過三百舟毋過

三艘而夷人貪利所攜私物增十倍祖制設市舶提  
舉司制馭之權在上迨撤市舶而濱海奸人操其利  
及嚴通番之禁遂移之貴官大姓矣夷人競刀錐求利計朝夕安能待  
十年走險爲盜賊明史番人本求市易初無不軌謀  
中朝疑之過甚迄不許其朝貢又  
無力以制之  
故議者紛然

熙朝秉天心恩威溥萬國市易各隨時殊方來重譯

兩廣總督檔案乾隆二十年英吉利夷船收定海港  
總商喀喇生通事洪任輝船商華蒯殊請於甯紹台  
道收餉定海運貨甯波明年復來二船二十二年閩  
督廣督上定浙關正稅視粵關則例加徵一倍奉  
旨洋船向收廣東口粵海關徵稅浙省甯波不  
過偶年一至今茲牙漁利勾結至甯波者甚多日久  
畱住又成一粵之澳門矣海疆重地民風土俗均有  
關係是以更定章程視粵稍重俾洋商無所利而不  
來以示限制意初不在增稅也俄而英吉利洪任輝  
等必欲甯關港既不得請駕船自海道直入天津仍

乞通市甯波併許粵關陋弊二十四年七月

命按驗監督李永標家丁七十三等擬罪如律洪任

輝押往澳門圈禁三年滿日釋逐回國二十七年九

月交大班附船載回兩廣總督照會英吉利國王收

管約束毋任潛入內地再干大法乾隆五十九年九

月英吉利夷船入粵以其王噶哈命稟陳督撫使臣

馬戛爾尼將由天津入貢五十八年六月一日貢舟

四隻自定海洋北行大舟長三十二丈闊五丈五尺

喫水五丈五尺三桅安鐵礮四十二銅礮三十二鳥

鎗腰刀各六百餘桅水兵役六百餘小舟長十一丈

闊二丈二尺雙桅鐵礮四水稍十四其年七月抵都

獻見事畢出其王表請留一人居京師理貿易事奉

旨以都城距粵萬里何由顧及貿易事不可

行使臣復請於甯波珠山嘴暨天津通市並依俄羅

斯故事於都門別立一行交易仍給附近廣東一小

地俾有宅居出入得自便奉旨所請均屬格

礙作

三日詹

敕告戒其王九月

觀禮成回國

奈此桀黠奴禍心險

難測雨自絕於天天實奪之魄

嘆逆向在粵東市易後因鴉片利厚獨思

壟斷不遵禁令是天奪其魄不至滅亡不止也

五

金銀世其寶便利銀尤珍黃金同土價直以土易銀

鴉片初出每土一兩值制錢五六千文其後愈多愈賤猶兩值一金也歲失千萬億民

生日困貧煙土諸洋皆產而喫逆獨專其利每年以土易銀出洋者五六千萬兩中國銀少錢

賤官民俱困鴻臚建讜論整飭資蓋臣萬箱快一炬灰飛

虎跳門虎門明史作虎跳門方輿紀要作虎頭門道光十九年林制軍嚴禁煙土喫逆頭目義律

自行呈繳煙土二萬餘箱在虎門燒燬沈痾起白骨日月與重新何意

螳拒轍暗海噓妖氛各國番船遵具甘結以漢夷字合爲一紙惟喫逆不遵羽

黨已潛散破網誰追奔喫逆屢攻虎門礮臺皆被官兵水勇擊退其火輪三板等

船及黑鬼戰卒亦係僱募而來全以漢奸為耳目林制軍一面嚴緝漢奸一面懸重賞募令殺賊自効漢奸轉為我用喚逆大懼不敢復留漢奸在船一時黨羽幾於散盡知粵東備嚴遂犯浙洋

# 六

定海古舟山明初置衛所信國昔經營海賊從海禦

明史湯和傳方鳴謙國珍從子也習海事和訪以禦倭策曰倭從海上來則海上禦之耳請置衛所陸具步兵水具戰艦則倭不得入亦不得傳岸和乃度地浙西東並海設衛所城五十有九逾年而成舟山置中中左二所城皆堅壯縣遷甬東康熙二十六年改置定海縣久不圯浙人賴以自保壯縣遷甬東又設水師總兵官一員駐舟長蛇忽東竄銃聲震滄渚道光二十六年六月喚逆駕駛火輪三板等船竄至庸將醉夢中倉皇具舟艤前定洋指名索佔定海

鋒未相接棄甲逃水計扼險失金湯開門揖奔虜

兵總

張朝發不守要隘於初八日輕出接仗被礮轟落水逃歸鎮海嘆逆遂乘勝陷定海

文官懦無

兵一死殉疆土

城陷知縣姚懷祥典史全福死之

七

倭奴昔犯順舟山爲賊巢承平二百年民不識弓刀

一朝陷蛇豕奔走慘呼號老弱轉溝壑婦女藏蓬蒿

城堞遽摧毀

嘆逆佔踞定海城中民人盡逃匿其不能走者遂爲逆夷役使先將官署民房

拆毀改造洋樓又將城牆平毀重立木城於城外

墳廬還掘燒

又於道頭開河直達定海

城下挖掘城外墳墓棄屍取棺以爲埋葬白夷之用白骨遍野鬼哭天昏

誰使滔天賊毒

焰彌青霄忠義保港嶼

定海所轄各島如沈家門岑港等處忠義之民皆據險自



保

空堵聞虛囂

喚逆雖佔踞空城城外各島皆不爲用

官兵坐相視一

水眞迢迢

八

金以和愚宋元以和愚金能戰復能守和議乃可尋  
此爲敵國論島夷曷足稱如何當事者顛倒恣憑陵  
彎弧孰敢射獲醜誰能刑牛酒日犒賞逆氣彌驕矜  
天覆原無外其奈頑不靈思瀉銀河水一滌蛟門腥

九

吾愛寇子翼智勇真無雙一斬皇甫文高峻卽日降  
全則文計得殺之峻膽亡決機在俄頃折衝樽俎傍

惜哉紹寶巔入奔跳窮狼若用三力士賢於萬戈航  
長蚪縱大壑得逞仍鳴張信義雖昭遠補牢已亡羊

十

荒夷屬陰類君臣義本疏靈秀鍾於女男子轉不如

明史遼羅傳自王至庶民有事皆決於其婦其婦人志量實出男子上簪花坐南面婦

官美且都明史琉球傳洪武二十九年中山王遣女官生姑魯妹二人來國學肄業綏服紀略

俄羅斯部長女人居多明史浮泥國萬歷中其王死無嗣立其女為王又扶南國其先女子為王號曰葉

柳羅義哈屯汗綏服紀略黑龍江索倫土語呼俄羅斯曰羅義與交界稱其王曰汗現立

之哈屯汗本西洋之女乃從前哈屯汗之外孫女也其表兄襲汗娶以為妻生一子其汗沒因子幼妻立

為哈屯汗蒙古語察罕白也將來哈屯汗仍傳國其子如罕汗蒙古語察罕白也將來哈屯汗仍傳國其子如

子沒卽傳子日本卑彌呼  
郡國利病書漢桓帝時倭

婦舊俗如此呼以妖惑衆乃共立爲王在位數年死崇男嗣  
立國人不更相誅殺立卑彌呼宗女國乃定  
以今

而證古陰勝言不誣綴服紀略水國  
居坎陰勝故耳  
經商重貿易所

寶惟金珠其人皆經營商賈與國王分利  
其王徒擁虛器故無篡奪之事  
祖胸復嗅

手禮制堪胡盧何物安突德乃曰朝儀圖道光二十  
年六月上

虞縣俘獲喚咭喇夷目晏士達拉打哩等二十九名  
又夷婦晏摩哪唏一名晏士達拉打哩卽安突德工

繪事因寫其國朝儀圖以獻畫一女子袒胸至乳紅

衣中坐左右立者爲兩大臣立女王之後者爲女王

之夫雅那薄其臣見女王脫帽屈一膝執女王手以

鼻嗅之始起立文臣衣青武臣衣紅皆肩綴金飾腰

繫帶下垂皮履帶刀先是喚夷國王烏連死無子遺

命以女姪域多喇嗣位於道光十九年戊戌繼立時  
年十九閱一歲自擇國人士子雅那薄爲  
婿國有大事決於大臣婿不與聞也

變詐幻如鬼鬼子所由名

兩廣總督舊檔嘉慶七年春英吉利兵船六隻泊雞

頭洋有窺澳門意廣督吉慶飭洋商宣諭回國以是年六月去去之日遣夷陳謝謂佛蘭西欲侵澳門故舉兵來護訛言請勿輕信嘉慶十三年七月來巡船三隻一日喙噴番稍七百一日啞番稍二百一日噓墩番稍一百鎗礮器械稱是兵頭噉略喇揚言法蘭西佔據西洋國主遷於亞美利加洲英吉利英西洋世好因以兵力來助駐澳西洋理事官噉噉喇以聞廣督吳熊光飭洋商開諭大班回帆不聽竟登岸入澳定居噉噉喇服從詭云國主有書許令安置八月二日以二百人入三巴寺一百人入龍窩廟五日以二百餘人踞東望洋一百人踞西望洋其在此三巴寺者十二日復移於西洋鬼樓澳民驚怖逃匿熊光與監督常顯諭洋商挾大班赴澳慰遣堅不肯行十六日乃下令封館禁貿易香山縣知縣彭昭磨親詣西洋議事亭噉噉喇入見出英吉利兵總覆書譯之詞甚不遜方遷延間英夷復來兵船八隻每船番稍六

七百泊雞頸九洲洋九月一日三兵船駛入虎門進  
泊黃埔二十三日渡略喇率其兵目水稍乘三板船  
三十餘隻直抵會城入寄館寓會其祖家歐羅巴本  
國船主一人至以封槍懟大班曰犯中國而絕市雖  
得澳門不如已時兵總統船十餘隻徵餉於來粵之  
商船每船銀數萬圓大班已不支各國夷商咸怨十  
月十日奉抗延剿辦之旨各路官軍四集英  
夷始議遷貽澳夷約以十六萬圓犒軍澳夷款從渡  
略喇喜悅大班乃具狀歸誠復開船貿易以入埔入  
澳夷兵陸續回船歸國十一月七日起棧出洋陶文  
毅奏稿道光十二年五月二十二日有嘆咭喇夷船  
一隻駛入江南洋山洋面有胡夏米甲利略通漢語  
據稱廣東洋行交易不公是以前來想求買賣等語  
當令蘇松鎮總兵關天培於六月十二日押護浙洋  
出境是年十月二十八日奈山直東洋面瞭見夷船  
一隻吳淞營參將林明瑞趕至高家嘴洋面見該夷  
三桅船面載有戰械桅上有旗一面寫天竺國商船  
字樣隨向查詢據稱天竺國係嘆咭喇屬國船戶名  
劉羅林參將見答話之人認係前次胡夏米船內之  
夷夥甲利問因何復來又稱前船已經回南現又跟

劉羅船同來求通貿易等語查該夷甲利本在胡夏  
米船上作夥之人其船係自北而來似卽胡夏米由  
奉天折回之船其所掛天竺國商船字樣未必非藉  
此爲更換面目之計連日雨雪交加風色欠利一遇  
順風卽行反側工用間陰謀竟何成  
押送出境

天心最仁愛俯慮衆物情雨露滋枯朽朽蠹焉能生  
請乞已無厭畀地尤驚索償千萬逾恫喝益驕盈  
烽火照粵東敢要城下盟藩籬撤不守談笑思銷兵

## 十二

健兒志死綏臨敵無反顧不惜身敗亡所惜疆事誤  
痛哭請益兵羸師夜偷渡礮銃暗無聲恐觸夷人怒  
吁嗟三將軍後先摧大樹赤手搏鯨鯢齒牙其能怖

剝腹尤慘烈忠孝一門著

道光二十年十二月十日

日英逆攻擊沙角礮臺營  
令黑鬼漢奸二千帶用竹梯爬越沙角後山乘高壓  
下先是三江口副將陳連升於山後埋有地雷機發  
擊斃百餘賊至申時我兵止六百名賊衆四千衆寡  
不敵火藥已竭勢已危急賊之在海舟者又駛駕火  
輪三板船數十隻繞至三江口堵截出路將我水師  
兵船十隻全行燒燬大角沙角兩臺俱失陳副將係  
湖北施南人久歷川楚軍營練習兵事與其子俱戰  
死均被十餘創且破腹剝腸最爲慘烈二十一年正  
月英逆攻破虎門水師提督關天培爲厲儆有知披  
署湖南提督鎮筸鎮總兵祥福戰死

髮應上訴

### 十三

輕陰散空際赤日方中天容光照幽隱罔兩潛深淵  
盧龍昔已賣珠厓今議捐

天威申撻伐士氣思投鞭檻車徵鄧艾璽書代王權  
勁旅如雲集擣巢策萬全何事瓊海上養寇猶遷延  
請纓儻吾許指日下樓船

十四

島賊不知兵空城思久占斯民水火深攻勦出

宸斷臨淮一入軍頓覺旌旂換納土還

天朝

嘆逆於道光二十年六月初八日盤踞定海至二十一年二月初四日始行獻還占據八月之

久當經

欽差大臣伊里布委處州鎮鄭國鴻壽

春鎮王錫朋

定海鎮葛雲飛統兵三千名戰船一百

五十艘赴定海

收復城池一面遵

旨將俘獲之

夷目晏士達

拉打喱等放還該逆夷卽日連船赴粵

遲鯨遠遠竄賑卹蘇瘡痍招撫集流散城郭半已非



蒿目興浩歎掘冢剝夷屍聊以舒憤惋

二月二十八日據水勇報

獲白夷一名喊林士德訊供稱離國已五六個月解送牛豬肉乾麵餅赴粵東因不識洋路兼乏食水上山取水並帶鳥鎗打雀被獲所坐三桅船共有三十人架礮十門等語當於三月初二日剝皮磔死何時海波平於此築京觀

十五

浙蘇軍威震羣醜趨粵東合謀窺省垣妄意逞兇鋒設伏兵有制裹瘡氣轉雄一轟人船沒張皇勢已窮巨舟入小水決勝須火攻吾憶林大夫二載經營中餘智扣囊底滅此猶秋蟲使功不如過因思李衛公

十六

避敵避其長攻賊攻所短船礮利深洋

明史佛氏機本國在西洋

者去中華絕遠華人未嘗至其地所恃惟巨舟大礮舟長三十丈廣六丈厚二尺餘樹五桅後爲三層樓旁設小室置銅礮桅下置二丈巨鐵礮發之可洞裂石城震數十里世所稱紅夷礮卽其製也然以舟大難轉或遇淺沙卽不能動而其人不善戰故往往挫衄其所役使名烏鬼入水不沉走海面若平地其柁後置照海鏡大徑數尺能照數百里其人悉奉天主教誘之入於淺陸戰非賊能我兵分守險絕市嚴海禁間諜暗布遣賊巢九萬里焉能速往反水勇勝客兵召募其勿緩在昔胡梅林籌海策最善努力奏奇功凱歌吾能勉

端午後一日奉檄赴上海軍營

妖氛熾海表二載兵未休拊髀每興歎義憤切同仇

鋒刀思一割自効苦無由昨夜奉軍書鳴鞘騰吳鉞  
晨裝夕解纜孤棹雲間浮江水廣且深日夜向東流  
壯心偃溟渤濟此良悠悠中川發清嘯擊楫驚潛蚪  
金焦青兩點送我復如畱其時方競渡金鼓喧龍舟  
黃鵠翔千里何暇侶閒鷗指顧戮長鯨歸來續勝遊  
長男先誨自家中來真州適余先發追舟廣  
陵相見送至瓜步

昨年送汝別期汝暮春來風雨過夏至轉憂音信乖  
日日江頭望何時一帆回戈船沸海瀝火急軍書催  
俶裝促晨發中夜起徘徊報國酬夙願其敢念家私

竹西雞始鳴。蠡窗曙光微。隔舫聞鄉語。見面驚且猜。  
望極翻生嗔。怒言汝應知。誰道風濤阻。雙槳來遲遲。  
繼復問鄉曲。一一多好懷。弟昆况同聚。時元森壽山兩弟同舟來  
此話久忘前。非相送瓜洲。口楊柳青青。依依征夫難久  
畱。亦難從汝歸。江干各分手。掛席東西馳。卻嫌癡兒  
淚。徒爲生別滋。

奉檄查核海口防堵兵丁由海門銅鑼港出  
洋至通州潑水港

長江走萬里。岷嶓趨海門。重沙固保障。交錯爲籬藩。  
海門迤東有伴海。裙帶連生南。連生等沙大小數十  
處。南連崇明。東控浙江。北接通州。沙淺重重。天生險

隘

我舟順潮下天水相吐吞南瞻崇明縣隱隱煙樹  
村東顧指舟山潏潏風雲昏沙嶼天險設拱衛中原  
尊漁人競生利輕舸如蟻屯潮落沙際停潮來隨風  
掀沿海列兵礮防禦重本根逆夷逞荒島蠢爾跳波  
翻綏柔仰

天德假息恣游魂水仙尙不免往已殲孫恩鬼子餌  
魚鼈么麼何足論

王師振敵氣快艇齊追奔長蛇儻復竄片帆必無存  
立待第功賞痛飲傾金樽

海門青龍港遇龍陣風舟幾殆危而獲安謐

以志幸

五月二十日

港名青龍龍所宮扁舟誤入龍潭中老驪睡熟忽驚  
醒噴涎一湧珠光紅西風斗作雜冰雹吹舟如葉如  
旋蓬我初危坐遽側倒滿耳號哭聲洶洶兩纜齊斷  
生路絕僮僕爭命身手窮挽篙鈎住鄰船尾危若一  
髮懸洪鐘鄰船長年心腸惡撥篙篙脫舟隨風出海  
須臾已十里波浪四起迷西東我於死中覓生計思  
憑尺木游鴻濛豈知天心憫窮促赦書急下鞭乖龍  
狂飈立止帆艣正駛歸原泊仍從容嗚呼死生剎呼  
吸洵非人力叨神功晚來徐步海頭望水天一色青

溶溶

福山弔金姬墓

弱質飄零委世塵且憑術數暫棲身  
漲生草竊終無賴欲把榴花聘美人

一抔何處弔幽貞烽火江頭正列營  
始信神仙金石操南唐羞殺耿先生

琴川至許浦河狹橋低駕二小舟以進

兵火何時靖征人莫久稽小舟聯舫艫  
大海掃鯨鯢水漫長天闊橋橫野浦低  
虞山回在望煙雨夕陽西  
觀白茆港口新建石閘偶占三絕句

關以束河水不能禦江潮內水洩不暢外潮來益高

二

吳淞舊建閘其淤乃更速爲有鐵門限淤甯不復出

三

江海通潮處湏急方深通內外水若平必無刷淤功

雨後南翔舟中作

日來遊歷遍江鄉雨氣翻生五月涼偶聽黃鸝鳴綠  
樹渾疑紫燕戀雕梁虛空霽散雲千疊極浦煙籠水  
一方鳩鷺何知鵬路遠逍遙斂翮更南翔

重登上海湖心亭追感陶文毅公

亭在邑廟內



新荷出水碧田田重到湖亭六月天遺墨猶存悲化

鶴亭有文毅手題楹帖

知音遂杳感鳴蟬空傳寄食三千士

借春

申君

已過流光十五年滿目烽煙波浪惡當時曾此

泛樓船

謂丙戌海運事

### 閱寶山縣城池慨然有作

孤城大如斗東北臨海濱海塘禦潮汐近與吳淞鄰  
滬濱資捍蔽相依如齒唇番舶來閩粵吳淞爲之門  
逆夷儻內犯先宜守通津守城須守塘塘失城難存  
守塘須守海海決塘漂淪無寶必無滬全吳撤籬樊  
惟茲彈丸邑豈得尋常論我昨登睥睨遶堞曾週巡

城小雖易固

城週三里許通計城梁六百三十有四

扼要勢終分賊來

撲上海衆知衆能言入慮乘其後出慮阻其奔狡夷

類鬼蜮恃陋古有聞燕巢火未然曲突嗤徙薪但願

恒响响何辭語諄諄

招募漁船水勇禦賊於海灘淺洋使不得窺伺吳淞策之上也

禦賊於吳淞使不得闖入黃浦策之中也拒守海塘使不得俯瞰縣城策之下也若縱賊登岸開城自守則危城孤露旦夕

莫深是謂無策矣

吳淞海口試礮歌

旌旗耀天海水沸海若倉皇天吳避將軍大礮列縱

橫

新鑄六千餘斤大礮上有一靖夷平虜大將軍等名號

發立見蛟宮碎大船

小船驅入口東臺西臺遠相對

吳淞海口東西各築礮臺遙爲控禦哀

角忽作老鶴鳴藍旗招動貔貅隊火光閃爍青煙飛  
轟雷震蕩天地晦但訝潮頭遽東徙餘怒衝波起復  
墜奔雲迴遮乍浦城沫雨徑灑崇明寺老翁百歲苦  
耳聾兩手自掩身還退鐵礮裊崑已堪驚銅礮崢嶸  
尤可畏就中六礮形模殊云得夷船仿夷製兵爲凶  
器戰危事火礮之功智勇廢元戎用此制四夷猖狂  
何復憂鼠輩嗚呼島夷隔重洋倔強海外恣跳踴佛  
郎機始見明史嘆咭喇近來梯航虎門香港聚醜類  
意祇牟利通經商疆臣若肯屏異物秦之奚啻豺與  
狼鴉片流毒徧中夏禍源欲詰誰濫觴禁民不食彼

自絕逼令焚棄非所望一朝鋌險抗金鼓公然轍斧  
翹螳螂七萬里外伸威令下與鱗介爭弱強沿海通  
津嚴設守備多衆寡難週防去秋定海偶失策至今  
遺恨舟山陽雖經收復滌腥穢人民城郭多毀傷嗚  
呼礮銃本夷器奈何用短攻其長閩粵江浙齊燕境  
老師糜饟空張皇我分賊合勞逸判賊鯨倏忽來無  
方以茲制勝非善術况有奸宄潛勾藏古賢攘外先  
治內閉關清野收貲糧來則拒之去則已我恆暇豫  
夷奔忙衝突無門將自敝第舞干羽銘旂常君不見  
老將持重趙充國屯田休士平戎羌以守爲戰戰必

勝滄溟永靖波不揚此礮俱閒臥草莽時聽孺子歌  
滄浪

聞民山兄至眞州衙齋未得卽見感寄二首  
兄弟三年別眞州喜又過功名知久淡鬚髮近如何  
老覺兒孫長貧憐故舊多相望原咫尺偏是阻風波  
豈有籌邊策其如寇盜侵閒曹猶奮臂報

國本初心漠漠妖烽惡茫茫大海深頗聞通貢市秋  
未準相尋

示鄉勇

寶山尹劉錯山

光斗

招募鄉勇二百餘名

每日訓練邀余同觀喜其進止有節賦詩  
勵之

募兵募士著練勇練鄉人土著諳地利鄉人重比鄰  
守望固邊圉亦資衛其身聚斯成義勇散復爲編民  
寶山接吳淞阻險稱要津客兵雖足禦更在嚴城闔  
健兒逾三百練習休辭頻刀矛衆所便烏銃精入神  
進退皆有則燦爛梅花春

所演梅花鎗五人爲伍連環疊進其式常如梅瓣

以之殲逆寇巨網羅纖鱗近聞粵東卒一戰

國威伸狡酋盡誅斬

本年四月初廣東北鄉義勇勦殺登岸夷二百餘人並將頭

目伯麥霞畢

倉皇出虎門

夷被義勇俘殺官馳檄兵又捷遂竄出虎門

二名擒戮

尤痛快醜夷不敢瞋

廣東義民擒戮伯麥霞畢後沿海數百村齊約同心殺賊聚費

造船期於盡寇且馳檄聲罪語極痛快數昂逆夷奪魄

大功成義勇將士氣益

振飛章奏大捷懋賞垂

恩綸爾衆當自効努力報

君親指日妖氛掃還耕東海濱

願聞

久坐渾忘暑心閒不避喧飛蟲潛入幙飢鴿下窺垣

鼙鼓聲聲競弓刀隊隊繁

寓外爲操演鄉兵之所晨夕鳴鼓集衆練習

願

聞平海國歸馬罷戎軒

雞雛

家人買雞雛二隣其弱小共栖漫成此詩

兩兩雞雛弱微黃雛尙新膠膠應戀母逐逐更依人  
其語何時得同栖此暫親勿殘蟲蟻命還惹主翁瞋

邱將軍歌

將軍邱姓佚其名前明嘉定羅陽里人今  
屬寶山縣身長九尺肥壯多力人以將軍  
稱之將軍亦自負曰乃公眞將軍非世之  
擁大纛貪貨財好酒色怕死將軍也嘉靖  
間倭寇入羅陽掠男婦數千人過馬橋而  
西刀光耀日斫人項骨如爆竹聲血流殷  
地難民前行未及被刃者號哭狂奔將軍



適見之犬怒歸取所用矛倒拖之踉蹌出  
其妻從後挽衣曰公何往將軍曰往殺賊  
妻號曰公癡矣此巨賊豈一人能禦者將  
軍不聽竟拂衣去去之南塘高阜橫矛立  
逃賊者方竭蹙苦不速遇將軍亟呼將軍  
救我將軍曰但速行我禦此少羈賊汝輩  
定免矣是時賊方從後驅殺勢猛甚將軍  
瞋目大喝賊驚卻一賊舞長刀進將軍約  
後作勢騰進刺賊洞胸達背一賊復至又  
飛矛斷其喉賊乃三五結陣併力前攻將

軍故所善馬千斤者亦勇士也適遠來助將軍將軍得馬助氣益倍大呼殺賊長矛所及連斃十餘賊賊大駭卻立不敢動而將軍亦倦矣立高處少息望見東方新倭瀾漫而來莫測其數乃太息謂馬曰君急走彼生兵大至非乃所能當也我體肥重不能行行亦不免今日死此矣賊去君來收我骨耳馬不肯去將軍頓足曰走矣其死何益千斤乃哭而反俄而新倭至被創者具語之新賊圍將軍三匝將軍且殺且

罵復戮一渠魁矛忽折賊其乘之一賊從  
後斫將軍足足廢坐地遂被支解賊去遠  
馬千斤來視將軍屍寸寸齟割爲坎土埋  
之以壺漿澆其上痛哭而去是日微將軍  
數千男婦皆不得脫矣夫不愛一身之死  
以活數千人之命卽廟食何愧焉乃名不  
傳於史冊可不痛哉邑人王道通傳其事  
予爲作卹將軍歌

將軍生無一命榮將軍死有千秋名舍身禦賊救鄉  
里將軍縱死今猶生當年倭奴囓江浙殺人如草川

流血男號女哭天不聞將軍一怒橫矛出絕裾那顧  
妻嘯悲踞守南塘阻賊歸難民匍匐衝矛過瞋目大  
喝賊驚披一倭舞刀鬪奮矛一刺胸背透兩倭併力  
前飛搥賊頸相連顛十倭百倭同時進慄呼鏖殺天  
地震將軍酣戰正難分義士忽來馬千斤艱危得助  
氣益振羣賊退走方紛紛升高遙望怒衝髮生倭滿  
地來飄忽回頭太息語馬君明日此處收吾骨其時  
男婦盡生逃將軍獨死南塘郊聚斃拾骸埋蓬蒿陰  
雲慘淡風蕭蕭前明迄今三百載景物不異山河在  
島夷肆毒復侵凌我欲力士求東海登壇授鉞竟何

人兩年出師互長雲閉城輸金氣已餒安得慷慨如  
將軍嗚呼安得慷慨如將軍痛勦逆寇

天威伸

### 嚴家兵歌

嚴家兵者前明嘉定黃姚里嚴氏兄弟五  
人大顯大年大成大偉大邦也俱身長八  
尺勇略絕倫嘉靖三十一年倭犯寶山五  
人礪農器爲兵邀賊大破之同知任公環  
得五人大喜誓爲父子屢立奇功號嚴家  
兵任嘗夜追賊墮溝中馬斃五人突至殺

賊大俸負任走前阻河橋已撤丈餘一躍而過後率其徒戰嘉定東門戰五里橋戰習家墳戰蘇州太湖戰吳江盛墩戰泖河戰灞上又血戰蘇閭門外用火攻燒賊任環登城督戰絕酒肉勞之嚴家兵無不一當百賊大敗去精賊五十三人兇狡異常自浙杭歷徽歙蕪湖江甯至潁墅轉鬪三千餘里不損一人所向無敵五人獨邀之水口使二人入賊中詭爲鄉導引至木瀆郭巷絕地賊大忿鬪導者五人當前鋒手

斬二十七人餘奔楊家橋存二十六人伏  
田野中搜斬盡絕於是嚴家兵聲振江南  
北督撫欲奏授官職並不願仍歸黃姚明  
年知縣楊旦夾江立十三寨以拒賊使五  
人分守江西六寨賊有惡馬數匹繫海上  
人不敢近近輒蹏囓至死大俸奮然往取  
之賊私喜聚而觀大俸蹋繫直上馬皆戰  
慄不敢動盡驅以歸及渡川沙橋橋高數  
仞馬蹠躓不前大成右挾馬左挾人從容  
過之賊望見大駭以爲神人不敢復近寨

又明年丙子賊復入上海以寶山爲巢穴  
官軍屢敗五人攻之戰寶山下賊登山負  
固時官民兵數萬將帥數十人相視莫敢  
先大邦年最少獨從山後潛上手斫七人  
大顯率諸軍繼進賊大潰斬首數百級生  
擒百餘人當是時嚴家兵威名出諸將上  
時任公已陞僉事進副使謂五人曰吾以  
同知將兵與若兄弟殺賊吾功皆若功若  
兄弟雖不願仕吾終當奏天子使知海畔  
有虎臣耳五人謝曰大顯等感激知遇且



目擊桑梓塗炭誠奮不顧身卽敗死亦瞑  
目不自意能勝賊前後獲賞逾量安敢復  
望爵祿今海波不揚請從明公乞此身釋  
甲披蓑耕作海上足矣寇平任請終制詔  
加山東參政歸山右歸二年卒自後無復  
有能用五人者矣時盜賊出沒江海閒臺  
檄大年大邦守嘉定而以大顯大成大偉  
守常熟會部中盜發常熟知縣黃應嘉疑  
爲所使收大顯等俱論死兄弟三人入獄  
歎曰吾等提兵百戰爲國家出死力勦賊

今乃誣以盜受獄吏辱耶手足一舒械杻俱絕因痛飲自縊死死數日家人收其屍顏色如生大年大邦聞難咸憤棄兵歸黃姚萬厯初黃應嘉以憲職備兵來蘇松復有意督過之仇家乘閒搆訟於是大年謫戍道死大邦與兄子星斗二人俱坐斬臨刑斗年少冤泣不已大邦厲聲叱曰豎子何怯也吾昔與若父戰寶山當四五萬賊不死今死此命也且吾殺人多矣能無及乎獨歌笑自如觀者泣下兄弟五人皆絕

嗣至今吳中談倭事必以嚴家兵爲首稱  
云先是五人之父頗饒於財無子聞浙有  
神禱輒應渡海求之遇颶風飄別島島中  
有草野穆夏大神祠神像四貌猙獰甲而  
冑威嚴可怖父心動卽再拜以禱歸舟帆  
駛倏忽抵家期年生大顯父喜曰神不我  
欺顧我所禱者四大神當各資一子於是  
名大顯曰草生已連舉三子悉以神號次  
第之大年曰野生大成曰穆生大俸曰夏  
生以志其異最後舉大邦名曰小乙五人

生而神怪好武其天性拳技弓矢稍戟之  
屬各有專長而小乙兼能之五人死靈爽  
不昧黃姚里人祀爲神凡出海魚鹽求禱  
無不應人以是益信五人爲島中神降也  
邑人馬元訓爲作傳余歎五人神勇善戰  
而卒不免於法或者恃強凌物觸迕權要  
有以致禍歟亦可謂不善保其功者矣今  
當用武之際而海隅將士多恒懦無可共  
事顧安得如五人者與之揮戈陷陣靖掃  
夷氛乎爲賦嚴家兵歌

前有邱將軍後有嚴家兵海濱奇士多有此何事遠  
索滄海君嚴家兄弟秉神異摧堅陷陣如兒戲百勝  
威名顯東南倭賊驚逃心膽墜汪直徐海兇鋒張五  
人視之如犬羊生駒踞齧猛於虎五人視之如腐鼠  
火攻血戰闔廬城止有任公如父兄猾賊轉鬪三千  
里五十三人無一死一朝忽遇嚴家兵五十三人無  
一生寇平論功辭上賞歸臥黃姚對菰蔣不幸生逢  
黃應嘉後先羅織羅禁網慷慨羞看獄吏尊悲歌愁  
過信陵門孝侯豈遺鄉里害至今祠屋招精魂不屑  
爲官乃爲盜爲盜何若據津要鄭勳作賊還作官

鄭勳

程史作  
鄭廣

五人聞之應大笑嗚呼嚴家兄弟真英雄安  
得重降東海東荷戈吾願與相從一翻窮島鯨鯢空  
歸來痛飲高堂中不教烏盡悲藏弓

蘆花詞

寶山大場鎮農家婦某氏舉止修整嫣然  
閨中秀也嫁夫家貧悉毀妝佐之日與村  
姑里媼習苦田閒或有憐其貌美身弱操  
作太勞者婦斂容謝曰儂樂此不疲非是  
無以奉尊嫜勿煩親黨慮也如是者十餘  
年育有子女卒以竭作故病瘵死死之前

一日忽向夫索筆硯夫故不識丁從鄰舍  
借至婦見之歎曰謝此緣久何期今日遂  
成長別耶強起書一絕云當年二八過君  
家刺繡無心只臬麻今日對君無別語免  
教兒女泣蘆花語意悽惋不愧風雅乃其  
生平曉義命深自韜晦尤卓卓可傳爲賦

蘆花詞八章

大場鎮上是儂家不採柔桑不漚麻種得木棉堪作  
絮終年紡織衣蘆花

蘆芽短短出虬江蘆葉青青對水窗可信根無池沼

分伴他鳬鴨也成雙

深閨嬌養少人知嫁到貧家有唱隨一曲吳歌楊柳岸蘆花應笑柳花癡

纖纖女子豈勝鋤終歲辛勤少燕居聞道枯蘆樵作爨當年畫荻意何如

相將作苦十餘年妝鏡全拋翰墨緣絕世佳人偏薄命傷心重詠斷腸篇

鄰家女伴漫相尋自擣寒衣寄葉砧昨夜蘆花開似雪有人愁聽白頭吟

西風底用怯衣單只聽秋聲已淚彈到死難忘兒女



蘆花從此莫生寒

許教識字太聰明便合飄零過一生若使綃山甘寂

寞也應多事悔雙卿

雙卿事見西清散記

海兒來吳淞軍前省視留十三日送其回松

滋時中元後一日也

荒夷攬海疆居民多走避如何劍戟叢忽爾片帆至  
筋力慮吾衰烽煙驚屢熾荷戈遠相依勤勤見汝意  
蟻賊絕天紀鯨波久窺伺取賂始何人姑息繼庸帥  
鼓浪沈香山揚髻飽厚餌刀砧未一懲驕橫愈恣肆  
吳淞蘇門戶設險守完備夷鯨豈能入來必陷死地

舍館小於舟餘暑秋不寐野祭值中元油然動鄉思  
祖墓待汝掃殺賊自吾事送汝春申江臨行語再四  
忠孝期兩全許身各行志指領妖眚平還軍奏鐃吹

吳淞海口泛月

露冷吳淞夜氣深小舟乘月泛煙潯海浮輿地包中  
外風挾江湖送古今尙有青蘆團野色莫教黃葉撼  
秋心銷兵早是和戎便卻聽連營鼓角音

喜鵬行

六月初四日

千峯萬峯波面起天傾地陷淪爲水龍伯齊踏滄溟  
翻腥羶島域費前洗洪濤春激天吳笑三桅火輪漂

若紙駢首長鯨京觀成射影短狐含沙死策勦麟圖  
首蜚廉掃蕩爲雪中華恥

國家養士二百年何意臨戎盡委靡前月已奪虎跳  
門昨日又踞尖沙觜一疏恭順再疏和制勝奇謀惟  
通市孤忠義憤豈無人快見

天誅順有此漢帝當年歆大風頗牧難逢空拊髀莫  
聽邊城鼙鼓音長歌且爲颶風喜安得颶風十日吹  
盡滌餘氛報

天子

廈門哀

七月初十日

虎門粵藩籬廈門閩喉舌巖疆宿重師防禦豈容忽  
二載搆夷患火輪常衝突兇鋒旣屢挫威聲樹浙粵  
富庶生戎心狡謀待時發紈袴襲戎衣驕蹇意恍惚  
何知千金隄伏莽漏蟻穴草草數十人夜半起倉卒  
烽火燒海明礮聲震城裂兵民一時潰夷艇來飄瞥  
戰守兩無能敗逃氣已竭傷哉珠玉場焚殺遭慘烈  
儲胥爲賊守礮械爲賊設趙括易談兵竟坑長平卒  
克復需奇才失陷有覆轍嚴稽慎吳淞奸宄防內決  
現在上海廣福船停泊者共有五六百號此輩多與  
喫咭喇交易販賣鴉片煙土難免無漢奸潛伏其中  
吳淞海口嚴固原足守禦惟慮爲船奸徒結黨內發  
則爲害莫測似宜加意稽查驅逐各船出口方免內

顧之  
憂耳

寶山東門城樓觀日出

星稀天爽碧翁翁黑雲縣亘遮海東海水蕩漾磨青  
銅欲曙未曙光瞳矓雲氣掩映重復重乍睹光耀濃  
雲中忽然散若餘霞烘又若野燒連遙峯須臾一線  
穿雲叢如眉如梳如張弓寶珠全吐圍彩虹車輪圓  
帖臙脂紅海水漸低雲腳鬆水天分處青溶溶火輪  
騰出扶桑宮芒角不許疑雙瞳大哉造化旋元功烏  
兔來往何怱怱岱頂日觀並華嵩雲臺海曙吾未逢  
聞與此景微相同

雲臺山海曙樓余兩至其地皆逢  
陰晦童石塘曾從陳芝楣宮保觀

日出於上所  
言與此稍異  
地  
上有氣名青蒙高數十丈橫蒼穹人

在氣內遊憧憧海波愈下山益崇置身惟高眼始空  
看此兩曜跳鴻濛三萬六千百歲終能得幾度開心  
胸一聲長嘯迴天風

寶山邑廟內黃楊一樹高三丈餘其大合抱  
殆千年物也爲賦一絕句

誰言厄閏長遲遲一樣參天傲雪奇海上生材多怪  
異上海縣署黃陽高丈許自頂至根作  
九層縣丞署一本三枝高二丈許始知盆種太  
凡枝

中秋風雨

自十三日至十五夜東北暴風連日不止  
兼之陰雨海塘損壞禾棉大傷對酒不能  
飲口占二絕句

三朝三暮雨風摧邀月何堪空

去聲

舉杯聞道蛟門友

待戰

時喚逆大幫夷艇登擾浙江師城畧地方

劍光飛斷紫雲堆

天中赤日正中天陰火餘光敢暗燃願借長風翻黑  
海腥羶洗盡月重圓

悲定海

八月十七日

皇天未悔禍孽海生煙塵一陷曉峯嶺竟入竹山門

十三日午時夷船十三隻在竹山門外寄桅旋放火  
輪船二隻三桅船一隻駛進竹山門經葛鎮軍雲飛

開礮轟斷大桅退去十四日連檣俱進攻打曉峯嶺  
開放三四百礮我兵伏石巖中並未受傷逆夷駕三  
板小船由竹山礮登岸經鄭鎮軍國鴻開放擡礮殺  
賊甚多十五日逆夷在海南孤懸之五奎山頂瞭望  
支搭帳房又經我兵開礮遙擊

雲昏

十六日逆夷從吉祥門駛進攻打東港浦旋登

死者無數十七日丑時又駛火輪船進攻經葛鎮軍  
親自開礮擊中船上火藥登時焚燒片板無存已時  
逆夷分為三路一由五奎山迎攻打一由東面之  
東港浦一由西面之曉峯嶺進攻王鎮軍錫朋首當  
其鋒鎗礮齊發夷匪冒死前進我兵前隊陣亡後隊  
繼進將匪殺退數次所放擡礮至紅透不能裝藥西  
時逆夷更添三四千分定海重淪沒抗節悲忠魂王  
路登岸我兵遂不能支

軍被礮打折一腿陣亡葛鎮軍在東漢姦獨何心助  
嶽宮鄭鎮軍在竹山門先後戰死

逆戕吾人

登岸逆匪身穿黑衣袴皆係閩廣亡命夷  
匪隨後指揮接踵而至用漢奸以殺中國



人重利聚亡命忍辜天地恩

漢奸所用擡鎗火箭等器械無不備具更有皮

梯可以爬越山嶺城垣

水戰憑船礮陸戰資姦民逆謀屢得逞

在我空紛紜立功絕域外遠思班

定遠

與陳

湯

鄭和

一宦豎猶能建奇勲豈謂忠義士不若鱗介羣揮涕

東南望日夜清妖氛

### 古辭

窮秋瘴海冰雪少陽侯坐視狂瀾倒鋸牙血吻晝捉  
人猱猯睇睨貪未飽前夜月黑驚鷗入舊鬼倂倂新  
鬼泣東隅竟失趨桑榆咄咄誰御義和車滄江老漁  
無所畏挺义怒擬奔鯨背

醉歌行

拔刀斫石刀先折腥風吹起寒潮咽厦門賊棄不敢  
收虎門賊退不敢閉羣兇盡銳攻蛟門雞峯嶰浦禍  
尤烈誰輸餅金六百萬竟資盜糧寇聞越鄰疆破壞  
各保守擁衆羊城聊自悅大臣子弟坐論功舟山將  
士死流血嗚呼此恨誰爲說我欲呼天天路絕

追輓松濤上人

松濤習浮屠乃無浮屠氣閉口不談禪所行踐實際

渡海求藏經自耕布金地

上人語言誠樸不衣裘帛由吳淞泛海赴京師請大

藏經全部

青蓮一枝湧好花四時備

所住湧蓮菴本名寶蓮寺最爲

敬藏菴中

精絕相識十餘年淡泊幾忘世道我哦詩苦摹壁刊千

字朱蕉圖有文待詔千字文真迹即此好尚殊已與

緇流異昨聞歸寂滅使我潸然涕聞於今秋風桂樹

涼岸粵聳積翠卻憶十載前相訪寶蓮寺

### 記夢

宵來彷彿侍庭帷笑語分明寤後思赤子之心應未  
失夢中憂喜似兒時

### 魚糧一百韻

并序

登州榮城縣突出大海中恆露光怪惟龍  
王出巡最爲奇觀王前列各種水族儼然

扈從凡儀衛之屬畢肖王後從大魚千百  
長者數十丈洶湧而過小魚繼之其寬長  
數里不可勝計皆喁喁奔躍恐後以供大  
魚吞噬俗謂魚糧大魚所經魚糧悉備亦  
如民間供應官府故不加少云前華亭令  
張新溪慶瑗榮城人目擊其異爲楊閩仙  
司馬承湛言如此余竊哀細魚之以身充  
餌奔趨不止也爲賦魚糧行

海水附地生水乃多於土鱗介繁種類神龍爲之主  
聖皇綏萬邦水國龍區宇蛟螭備臣僚黎庶魚蝦侶

江湖畫疆界朝宗居其所述職兼巡方寄閫符分割  
有客談汪洋聽之殊覲縷爲言成山東極望滄波阻  
樓市浮青紅怪異難悉數每遇龍出巡奇麗眞罕覩  
先期清道路習習和風煦大魚頻往來利涉戒帆艣  
至日海鏡平髻鬣肅隊伍或簸揚旌旗或舉揭干羽  
或萬馬奔騰或孤鸞翥舉噌吰或撞鐘砰訇或伐鼓  
絃管或嘈嘈衫扇或楚楚或如麟振振或若鹿麋麋  
高或若連山低或如覆釜遠或粘遙天近或掠淺激  
或奏鈞天樂曲按霓裳譜或獵洞庭園陣觀錢唐舞  
延津劍或飛葛陂杖或拄並駕或雙雙獨游或踽踽

或競或從容或趨或後阻蝦或鬚緣幢鱗或螯擁斧  
鬣或殼揚飄鱗或目燃炬奔魚腹造雷碯墜時一吐  
周穆宴瑤池燕昭觴金姥羣仙下蓬萊殷勤通縞紵  
江妃遺環珮汜女擷蘭杜蜃閣朝留雲皎綃夏祛暑  
珊瑚茁瓊崖璣珎輝合浦渾渾欲無涯行行列有序  
簇簇見威儀沈沈具鹵簿崢嶸露頭角恍惚若拜俯  
蚴蟺隱洪濤欽歆漂衆煦刺斫森前矛縱橫嚴後拒  
摩鯢聯鱣鰓其命負壓駟掉尾翻琉璃噴涎灑林莽  
外擁竭澤鱗多逾太倉黍皇皇孰驅迫哉混魴鱣  
以之充食料是爲鯨糧糈客言未及終我心哀且怒

龍以魚爲民以海爲疆圉窮鱗飽鯤鯢赤子飼豺虎  
明投不罪誅饕餮恣吞咀爲害存肘腋焉得誘龍瞽  
吾知龍左右朋結盛黨與寃憤遇惇鰥欺凌眈跋扈  
嗟茲儵鱗卑求活江海許瀟瀟遂生成無辜填飢肚  
微命那敢惜饑口何時堵况聞龍行巡將問魚疾苦  
迎勞陳壺漿餽獻飾筐筥孱懦等婢妾軫恤應噢咻  
掃境供啖昭酷殘甚網罟海域盡荒荒何事煩衙衙  
龍門我欲登虬闥俾安處懸牓垂鉤餌連鰲付烹煮  
噉姦息瘡痍鋤亂靖島嶼是歲月墮檐歸臥手扃戶  
夢有白衣人軒然就我語疇昔蒙誚責藥石砭愚魯

水陸雖殊途斧徽咸中矩君曾膺民社願得披肝腑  
天下四大洲繞地各爲部萬姓居塵寰一例樂生聚  
各採桑績麻各耕田藝圃胡爲版籍之租稅納官府  
富者賣屋廬貧者鬻子女壯者逃溝壑弱者死囹圄  
君日坐堂皇鞭撻徧腰膂流血盈庭階銀鐙繫廊廡  
飢餓任呼庚追呼方苟午羨餘肥私橐課最奢追取  
君衣厭綺紈小民赤尻股小民咽糠覈君廚羅羔殺  
此皆民脂膏何異躬鼎俎秦越視瘠肥晉楚睚猶鹽  
還轉司馬筴沾濡丐賸瀟脫身辭簿尉腆顏相爾汝  
度支帑虛糜閭閻疏淡茹蹠蹕尾曳龜睢盱首類鼠



近調籌海防謂宜曠弓弩磨盾脣無文擗戈怯不武  
內治未休氓外攘難禦侮喋喋弄脣舌紛紛議戰撫  
生傳舟山陷忠義殉夷虜君果懷經綸乘時奮師旅  
否則早歸田避賢速解組奈何襪線材曾乏尺寸補  
君也濫吹竽敢云訛投杼鯨裹魚爲糧官剝民代脯  
弱肉強之食斯語聞諸古虐民而矜魚能毋自齟齬  
我始意頗瞋繼思色漸沮白衣詞未畢頰頰汗揮雨  
蹶起前致謝迷離竟何許窗黑雞號三更闌柝轉五

悲鎮海

八月二十六日

島賊干天命所欲通商賈舟山旣納還胡爲再攻取

乘隙搆兵端貪虜何足數十萬橫磨劍三千神臂弩  
大言快一時致寇誰禦侮全力防蛟門間道失鱗浦  
參軍走騎豬夙將竄同鼠傷哉金雞山吾宗獨得所  
謝鎮軍朝恩前在上海相見時握子手曰吾本湖北  
雲夢人曾祖中武探花官四川入籍三世矣吾將來  
仍欲回雲夢老籍君同鄉元戎已殉難慷慨嗟何補  
同宗當是一家語甚親摯可堪旬日閒連此陷疆土甯波又當衝誰其固邊圉

甯波歎

八月二十九日

咄咄怪事焉有此三城連陷賊未已

天朝忠義豈無人嗟嗟誰爲甯波死西川老將惟善  
奔一奔再奔無逃門觀察太守皆遇救難民無救空

煩冤一日傳烽數十驚言戰言守尤紛更壯夫病飲  
枕戈臥波浪滿目風煙生此城便是王隳豕漢家休  
問亞夫營

吳淞舟中

秋林葉始紅夕陽弄佳色吳淞一帶橫舟行望南北  
採棉農家女終歲勤紡織短布不勝單辛苦爲誰力  
在昔海運餘水利疏壅塞畚鍤厯冬春胼胝靡休息  
忽忽十五年重喜輕帆直西風又戒寒往事勞追憶  
夜泊黃渡千秋橋

寶帶垂虹後吳淞跨此橋

吳淞三百里跨河兩岸惟此橋耳

歸人明

遠火夜艇泊迴潮市舶非難設前明由劉河出海會設市舶提舉司於此

兵戈迄未銷元戎新被

命應是霍嫫姚

答顧沚蘅廣文

鈞

旌旗滿眼波濤黑日日城頭望海色壁壘森嚴細柳  
營樓船氣壓蛟龍域投筆封侯古所聞背水思立漢  
幟赤北門鎖鑰吾何有乘閒卻訪同懷客新詩投贈  
君應笑風雨聊爲破岑寂細碎方愁瓦礫微何期報  
以連城璧字斟句酌吟復哦亦如韓公獎張籍仙音  
熟耳厭鸞笙蟲語悽涼愛蚓笛長槍大劍今所尙安

用毛錐許報國君爲冷官我閒曹相逢那不畏歎息  
滄洲畫作壁上觀白羽一麾殲鬼蜮盾鼻磨墨我猶  
能露布待君飛羽檄

答董夢蘭茂才

兆熊二首

天地忽偪仄東野號飢寒一旦身及第看花徧長安  
人生貴賤殊境遇隨改觀董生松陵秀三十猶儒冠  
吟詩多苦語負米淞泖間授書出慈訓畫荻更每闌  
青燈勉自克欲以慰親歡瑣瑣風塵際把卷屢興歎  
獨識成連琴謂宜滄海彈斯言良過許益我顏沾汗  
男兒值多故要當爲其難區區事筆硯一笑雕肺肝

彎弧不浪發，斛律射稱工。雙矢摩腹背，絕藝驚幕容。  
不中乃爲中，妙處能行空。目前狀景物，纖細易爲功。  
奇思來天外，揮絃送飛鴻。今茲干戈際，沸海烽煙紅。  
請纓馳荒島，投筆古從戎。慎毋輕懦弱，移孝堪作忠。  
誰謂識丁字，勝挽兩石弓。我身未衰老，寶劍光騰虹。  
鯨鯢盡誅滅，歸臥滄江東。韓碑與柳雅，君其銘鼎鐘。

和韻寄湯海秋侍御

鵬

放眼天涯有幾人，飄然書劍渡江濱。遨遊暇日思前

事，憂樂中年寄此身。桑梓奇材追李

茶陵

杜茶村甫

棠遺愛感陶

文毅

陳

芝楣

六朝勝蹟三吳秀，併作奚

囊句入神

刁斗森嚴月似霜每思飛劍剗魚腸君休慷慨爲騷  
怨我已蹉跎類楚狂天上樓船何日下海隅鯨鱓噴  
波長相期力掃妖氛淨萬里澄清接混茫

除日奉檄崇明口占

亦是尋常日無端歲序更漸憐兒女長益覺利名輕  
歸客皆團聚勞人自遠征風波休作惡咫尺到蓬瀛

除夕行吳淞海塘卽事呈陳蓮峯

化成軍門

黃浦江頭好泊船吳淞塘上望悠然寒潮淦淦生新  
浪臘鼓鼕鼕入舊年燈火燦成星宿海穹廬籠蓋雪

霜天軍中徹夜嚴刁斗氣懾魚龍伏九淵

元旦渡海

壬寅

元旦海天游風和浪亦柔乘槎疑上界擊楫笑中流  
島嶼微茫出雲煙次第收此行真不負一棹指瀛洲  
春日偶感

小桃含靨柳舒眉春色平分又一時陌上花開歸緩  
緩江頭水漲渡遲遲驚鴻顧影流哀韻語燕依人惹  
夢思莫向東風問消息綠波芳草正離離

清明日游大境閣看桃花

清明忘卻是佳辰忽憶城西景物新高閣開顏驪大



境小桃著意媚深春劉郎一去思前度

道光丙戌春曾賞桃花於

此

仙侶重來遇故人

是日遇蕭枚生周少白於閣上

似此韶光輕過

了怎教東海不揚塵

### 五色桃花

豫園延清樓前有五色桃花一樹壬寅季

春尋芳至此喜其絢爛明豔徘徊瞻望者

久之賦詩志感

嫣然一笑足傾城淺白深紅倍有情繡幕絲牽仙子

珮黃池甲耀美人兵去年今日思前約流水清溪憶

舊盟莫問瑤臺青鳥使當年曾見舞衣輕

虎邱卽事

山塘七里隱樓臺  
扇影歌聲迤邐開  
流水多情閒不住  
夜深還送酒船來

橐筆從戎鎮幾時  
歸來羞見羽書馳  
吳鉤擬向吳王借  
虎氣英英起劍池

生公臺下認前遊  
頰石何曾解點頭  
獨倚垂楊思往事  
故人零落幾山邱

吳興焦僧鐵舟俱葬山麓

珠蘭茉莉一叢叢  
小圃迂迴有路通  
春去春來春自好  
年年忙煞種花翁

惠山卽事

夢裏溪山臥白雲重來恰遇蕙蘭芳青鞵白袷閒行  
去已有人看舊使君

東南何日靖煙塵慙對名山眼暫新橫海鯨鯢方跋  
浪一泓清淺樂遊鱗

石苔經雨綠粘衣蝴蝶蜻蜓作隊飛幸草幽花春意  
厚杜鵑偏道不如歸

竹鑪茶銚久寥寥陸羽盧仝不可招飽吸山泉當濁  
酒胸中塊磊要全消

食蟹和蔣澹懷韻

虛弦下驚鴻肉食曾何補庖廚減食單泛愛活鱗羽

蝥蟬獨未赦湯火殃自取在昔肆橫行郭索來水澣  
無腸豈有謀甲冑偏示武擁劍利斷蛇登岸勇鬪虎  
奈何誤一燈入簾遭漁父取多螯猶黑氣暴沫空叶  
躁擾知將糖躑躑竟墜釜堆案擇團羹剔膚兼蘊茹  
生旣莫相憐死難稱得所蔣侯賦新詠嫉惡快砧俎  
吾獨哀其愚含悽弔秋澈霜落江湖白如聽爬沙苦  
黠犬行和澹懷

黃耳食不潔一朝厭梁肉食肉猶未奇臥之錦繡褥  
掉尾意氣豪金貂真可續鳳皇惡吠遷其巢孔雀遭  
逐遺羽毛猥猥磨齒聲怒嗥呼引共踞瀛山高瀛山

長蛇毒霧千里黃耳狺狺猥猥聞之喜以爪探蛇螫  
厥指猥猥喪溝壑黃耳蹢蹢逃之深巖裏點哉黃耳  
爾不上隨劉安去作雲中仙洛陽繫書甘爲傳李斯  
顧歎不復東門牽飽食安得花陰眠慎勿爲瘼發狂  
顛狗屠霍霍礪刃來汝前猥猥已死誰汝憐